

淮海英靈集

淮海英靈集目錄

鄉人阮元輯錄

王集卷一

閨秀

徐氏 張璵 李素貞 袁慧嫻 冒德娟

陳傳姜 潘意 范貞儀 楊恭人 王正

宗母陳氏 王兆淑 王書 徐德音 顧瑞麟

郭矸 吳蕙 黃之柔 吳吳 陳箋

邵笠 任婉 吳湘 徐珠淵 周貞媛

周淑媛 柏盟鷗 陳氏 倪氏 楊李

楊克恭 陳珮 袁機 袁棠 高繁

高蘊玉 俞廷元 方婉儀 程雲 梁蘭漪

俞杏貞 殷氏女 王微 吳琪 蔣葵

蔣蕙

淮海英靈集

鄉人阮元輯錄

閨秀

徐

氏

字幼芬江都人工部郎中徐葆初女適孝廉李淦與季靜娛夫人選有唱和早卒王阮亭讀徐幼芬

遺詩兼寄李季子云自來學得謝公綦博士風流幼婦詞未免有情看不得橋南荀令斷腸詩

春日

日暖春光媚花香燕子歸  
銜泥看未厭又見蝶雙飛

宮怨

小苑黃鶯弄巧言春深碧草暗長門  
終朝兀坐愁心亂怕見旁人繡綵鴛

張

璜

字玉英泰州人張符驤女弟

午日弔屈原

汨羅千古恨深深此日靈均何處尋  
角黍徒充饑鬼腹蒲觴

不醉怨臣心  
洶騰海浪翻  
風雨慘怛愁  
雲變古今  
澤畔行吟  
人不見  
離騷讀罷  
淚沾襟

中秋

早潦何堪雨  
事并縱當好  
節亦愁生  
花經暴雨如  
相妒月避  
寒家不肯盈  
肴核自成荒  
歲景酒漿猶  
費老人情  
莫嫌此夕  
無佳譙  
尚有饑民  
乏菜羹

李素貞

字太素甘泉朱重慶室工詩善楷法重慶應京兆試報罷太素緘詩促歸一時都下盛傳其句

寄抱經主人

北望遙憐璚璚情  
應諧舊約早歸耕  
閒拋籬落黃花瘦  
枉逐風塵白髮生  
玉軫久虛司馬曲  
錦機難借樂羊名  
緘書不盡高堂意  
又怕勞君日計程

袁慧嫻

字蕙貞號淑春通州人庠生袁洋次女適國子生保成德善畫著有揖翠樓詩集行世

嘗藥吟

既無龐氏鯉可以佐藜藿又無唐氏乳可以忘齒落憐姑笏  
力衰愧我孝養薄奈何一夕間舊疾忽然作夫子行未歸堂  
上悲蕭索含愁不忍言婉轉嘗湯藥

寒夜課兒

先春梅萼經霜雪蓋世勳名自苦辛兒輩莫言深夜冷析行  
應有未歸人

冒德娟

字嬋婉如阜人  
冒無譽之女

春閨

風動簾櫳春晝長鶯聲催起整殘粧獨行亭畔拈花朵不覺  
羅衣怯晚涼

暮春

閒步空階有所思無端新綠又盈枝暮春天氣人如醉喜聽鶯聲未老時

曉起

曉來初起對窗紗日上珠簾弄影斜風動高枝黃鳥嘯聲聲啼向碧桃花

陳傳姜

泰州人寶應朱澤況室賢而早夭其詩中佳句如煙月淡相照竹深人夜歸亂竹不知路好山多抱樓一庭芳草迷行路萬點桃花送好春千里

憶母

膝下相依慣劬勞力已殫不緣今日別那識舊時歡霜落長河冷心懸兩地難惟憑諸弟妹早晚問親安

中庭

中庭四無人高梧自清舉夜半起秋風蕭蕭葉如雨

題畫

雨峯峭入雲數里盤樵徑深處見幽居地與人相稱

登樓

庭樹迎霜葉漸黃秋風颯颯思茫茫登樓幾點離人淚付與雲鴻寄故鄉

病亟示夫

花方破藥因風落鳥忽離巢帶葉飛揮淚向君頻屬付老親多病幼兒癡

潘

意

自署林外牧子寶應人詩人朱宗大室

過畫川二首

柴門流水尚依然亭榭荒涼夕照前猶憶昔年曾放棹岸花如繡草如煙



長橋已斷舊荷池萬柄荷香只數枝老樹悲蟬斜日裏更無人過立多時

春日口占

帶雨細桃紅更好如茵芳草綠初齊池中魚共游行樂樹裏鶯方自在啼

步月至壽藤軒作

小齋清坐四無聲一點秋燈萬古清我亦行來微諷咏滿天涼月已三更

范貞儀

字芳筠號一柏如皋貢生高佩蘭纓元配國學范穀女守節廿三年乾隆丁巳旌表著愁叢集

春日經理綠雲山房

荒館經時未啟扉眼前煙景與心違頻逢風雨花應瘦久廢刪鋤草漸肥小閣香泥巢乳燕短牆蛛網挂春暉伯勞底事

東飛去春盡年年未見歸

對鏡

匣裏青銅久閉藏  
暫時相對轉心傷  
飛蓬欲化三秋草  
瘦骨眞成百鍊鋼  
香閣夢回山月冷  
玉臺人去鶴書荒  
薛媛欲寫丹青寄  
天上人間恨渺茫

重九先夫子小祥

徧插茱萸句忍忘

陳終誦王摩詰句

最傷心日是重陽空閨多恨秋

先老遼鶴無音夢正長  
半世淒清同皓月  
廿年辛苦歷繁霜  
楚詞讀罷招魂句  
未見乘風返故鄉

爲二叔完姻誌喜

江梅花放稚春天  
幙綰紅絲繡閣前  
合巹香溶銀燭下  
思親夢斷彩雲邊  
才慚郝氏陪鍾貴  
學繼昌黎望叔賢  
薄產遺書

持護在好調錦瑟度華年

寄懷叔姑衡陽夫人

日暖風輕笑語溫  
櫻桃花下侍金樽  
而今草沒西園路  
冷雨斜風只閉門

春草軒感舊

池塘春水碧盈盈  
草亂鶯啼雨乍晴  
記得水晶簾影下  
攤書曾作女書生

水繪園故址

蛛網煙絲戶久扃  
畫梁檀板黯歌塵  
春歸王謝堂前燕  
曾記當年舊主人

悼衡陽夫人

生死因緣讎未除  
天涯渺渺獨愁予  
夜臺似比衡陽遠  
歸鴈

來時未見書

楊恭人

江都人昭武將軍捷女孫湖廣鹽驛道懋昭女適松江王靜巖年十九卒其孫顯會官給事中刻其

遺詩父書樓稿一卷

秋日登金山

扶筇浮玉興悠然一片秋光到眼前  
宛轉曲欄圍水面嵯峨高塔鎮山巔  
銀濤瀉海看今日鐵鎖沈江憶往年  
六代茫茫何處是風流且自語坡仙

二十四橋

煙花占盡艷陽天廿四橋名尚昔傳  
太息美人香化土空留明月照仍圓  
簫聲已斷西風咽螢火還依亂草然  
無限才華付流水玉鉤斜處羃寒煙

雁字

秋色橫空落葉忙雁排人字到衡陽橫斜亦似兼三體宛轉  
何如學二王自有白雲堪作紙不須采筆已成章想從塞北  
傳書慣日習塗鴉一兩行

琴聲

何處瑤琴弄飄然三兩聲游魚浮水聽大鱗出沙行颯颯清  
秋意寥寥太古情七絲彈罷後靜對月華明

臘梅

黃梅初放藥晴日映簾櫳正色何須白幽香不在紅種從眞  
臘至瓣與蜜脾同却笑黃山谷題名意未工

佛手

朱纓形似葉尖長金色分來散寶光千手雷同誰是佛指頭  
拈得有眞香

夜坐

深夜蟾光白階前露氣清一天明似水林外動秋聲  
鴻雁南來急遙空散月光新寒多入夜漠漠桂含香

王

正

字端人江都人工畫花草馬相國齊延教其女適李若谷倡酬不輟著有硯廬草

荷花行

朝在水暮在水不染污泥池水裏風簾月樹雨初晴翠袖紅  
翹堪自喜採之刺礙吳娃指返照同船歌緩起

題破水道人梅花書屋圖

不必買絲繡沈香日就熏人疑何水部我識鄭參軍皐帽青  
瓊擁雪窠花洞紛傳來千載後姓字重天雲

繡毬花

花開不亞千團雪香散真愁一夜風簾外月明斜弄影冰壺

倒濯玉玲瓏

題畫扇

連朝風片雨如絲正是天涯雁到時  
髹几文牕無一事寫將秋色兩三枝

雪中懷無慢妹

朔雪狂飈歲暮時曾無弟妹夜聯詩  
如今柳絮因風起盼煞吟箋雁到遲

宗母陳氏

江都宗元鼎之母通書史墓在宜陵鎮南夫容墅之左人稱爲宗母墓

訓元鼎

昔聞孟母教子三遷孟也感之終成大賢  
汝今十歲倏忽童年少時不學長何可傳

王兆淑

字仙琬通州人適隱士孫汝寶有隅社詩集

山村二首

紅橋溪遍綠茅屋樹光斜水定幽潭月雲藏隱士家  
鷓鴣啼冷竹蝴蝶夢飛花放眼景何極閒愁應更賒

暇步舒適望嵐光塔影圓美花分密綠媚柳裊輕煙  
雲物看三變山林別一天草蟲聲不斷鳥語復相連

曉巡北圃同玉巖外君用白玉蟾韻

鞦韆弄影悄無人露洗雲痕入杳冥石色苔明連水綠  
花光風熨照山青

桃花一夜滿溪橋粉澤脂香浸不消春被提壺都勸醉  
淡紅旭日隔林遙

寄碧君顧姊并述舊事

塵念一時靜聞君舊日琴絃畱泉壑意調訪水仙音窗紙棲



燈影茶煙裊鶴心談深不知夜明月落楓林

玉

書

字藍英江都人郡庠生許松室忘其氏著綠窗吟稿

讀陶淵明傳

斗米羞折腰棄官如敝屣素琴不具絃黃花結知己把酒酌  
東籬蕭然遠塵市著作祇編年永和後甲子昔人品題真風  
流同正始我本巾幘儔曠達亦自喜安得似陶公優遊樂餘  
齒

阮籍嘯臺

魏晉時多故名士罕自存阮生懷大略避禍且高騫一醉六  
十日不言絕帝婚登臺每長嘯蕩滌胸中煩人物妙臧否達  
觀何足論快哉遇孫子勝事傳蘇門

蜀岡

一岡高聳邦溝束結體紆徐勢盤曲曾無片言露嶙峋地默  
蜿蜒達西蜀山僧滌鉢愛清泉脫手浮沈到遠天山脈川源  
靈秀聚繁華岡下自年年十三樓畔開佳宴廿四橋頭環翠  
鈿興亡幾代倏變更蜀嶺風光萬古情紅葉樓臺禪智寺盡  
船簫鼓綠楊城我來選勝偶延佇伴侶一時誰與語但看今  
日天氣晴隔江山色青如許

夏夜納涼懷奎鳳兩兒海陵赴試

薰風習習透疎簾獨坐中庭夜未眠不是關山千里月也成  
母子一方天書傳屢代應昌後賦獻而今克繼先日盼青雲  
同得路菱荷香裏泛歸船

元旦後二日見新月

隔歲初生月清輝一綫勾世情還似舊天運已重新有影方

離晦如鉤欲釣春從今輪漸滿光照畫堂人

早燕

遙辭海國到柴扉趁得春風似遠歸葺壘依然成對對將離  
猶未故飛飛一簾花氣含新藥幾點香泥襲舊衣只恐秋來  
原似客畫梁深處羽毛非

徐德音

字淑則浙江徐清獻公女孫適江都許荔生舍人

爲之序著有綠淨軒詩鈔五卷康熙丁亥其父餐霞老人  
數歲每長者故人至輒效公子長揖衣綵亦稱之一切  
瑣耳釵鈿之屬弗御也及遇賓僚賦詩先公呼之侍側  
郎能作五言韻語而意殊便給先公絕憐愛之謂若  
牛男如是當不誤改金根惜乎其爲女子也未幾先公  
捐館遂持喪還武林女年稍長能略涉羣書所居在湖  
山之間每當煙雲入戶魚鳥親人輒復畱連景光率吟  
小詩以自適一衣著最久視之墨滿斑駁色若古鼎彝  
保煙以他衣進亦弗易也江都許太史來菴故爲先公  
所得士有孫口迎年偶才也當先公疾革鄭重語予曰  
異時擇婿計舍許生無可屬意者當折輩妻之及女之  
歸許也生猶列博士弟子員至是益好學遂得兩闈俱

傳能以經術世其家先是吾鄉林亞清夫人倡爲蕉園吟社知吾女能詩曾以纖素相遺通殷勤焉會吾女于歸邦上亞清亦隨宦洛陽竟不果相見閱十餘年至乙酉之歲許生擢試舍人挈女北去時亞清先在京師始得握手定交輒相見恨晚間以詩卷相質亞清喜而敘之且曰蕉園之社作者數人人皆有集今旣晨星寥落幾介韻事銷歇得子之詩收復後來居上矣其可不梓之以傳乎女辭不獲遂畀剞氏

### 雨中月

酌月還聽雨虛堂夜景清樹分千澗響雲漏一輪明縹緲嵐光溼微茫斗柄橫誰將摩詰畫澹墨繪前楹

### 寓感

未識春從何處回殘花猶自向人開池因水涸魚爭去居爲愁多燕不來司馬獨遺封禪草鄴侯眞負列仙才浮雲蒼白原無定且把松筠手自栽

### 過吳門

畫橋三百六

見青邱集

春水碧涵空白舫輕鷗外紅亭細柳中鶯

花尋茂苑麋鹿訪吳宮風景佳無限閒吟思不窮

### 過女真觀

筍輿出城郭邨居盡桑麻山中泉作響山下藤生花紆回徑  
百折仙宮臨水涯裴回蔭嘉樹時有春禽譁女冠出延客元  
言亦復佳房櫳極窈窕篆香裏碧紗飽我松花飯啜我春礪  
茶頓使心神曠愛此土風嘉髣髴桃源內尚有秦人家憩坐  
只片晷不知日已斜清風吹林暮歸路披雲霞

### 鳴機怨

纖纖明月流清光佳人織素愁空房迴文杼上機絲急玉漏  
聲中秋夜長夜長晝短愁心積四壁淒清鳴促織織成文綺  
不得衣豪家用以被厮役

田家婦

邨中有少婦蓬鬢不梳掠人說新嫁娘已識勤操作不肯腰  
豪家偏甘守寂寞獨步向田間持竿驅鳥雀

熏籠

衾裯夜夜溫香蘊龍涎好繡閣自生春紅顏不肯老巫峰一  
夢還對鏡畫春山那知簾幙外風雪正漫漫

途次口占

荒雞三唱起蕭晨迢遞關河怯病身長路相依憐弱女短書  
頻寄慰慈親寒深不耐風驚骨味苦難教酒入脣三十功名  
須努力爲君碌碌輟紅塵

亞清夫人以詩集畫梅香椽見惠賦謝

放鶴亭邊積雪時衝寒花發最相思幾年鄉夢迷疎影一幅

吳綾見折枝淨洗鉛華畱皓質獨將墨暈繪清姿朝來相對  
成幽賞漫吮吟毫賦小詩

玉臺新詠重雞林一卷攜來百番吟若欲酬償須白壁何當  
持贈比南金竹西遠憶憐同調冀北相逢慙素心從此論文  
師詰匠問奇肯許數招尋

霜後千林金顆圓感君分餽意纏絲攜來驛騎筠籠裏畱伴  
芸窗細帙前論品定高盧橘價誦詩擬效木瓜篇素瓷清供  
無如爾徐拂芬芳到几筵

臘月桃花歌

臘雪已霽風淒其飛塵透我三重帷朝來鍵戶意殊惡熏鑪  
不煥狐裘薄遙思別墅孤山隈衝寒應有疎梅開閒關道遠  
嗟莫致使我一日腸幾迴須臾主人自外至入門告我大奇

事遊驄頃者過慈仁忽見繇花盈廟市此地種花作花窖永  
火煦濡花放早春風不待廿四番花信全馮人事巧萬卉千  
葩接路岐長紅小白自紛披楊家信有移春檻黍谷何須玉  
律吹憐余愛花結花癖不愁市儉爭高值百緡爲買一株桃  
如購連城雙白壁幽齋對此喜非常形影渾忘客異鄉依然  
流水花源畔髣髴東風露井旁繇枝低亞渾无數頃刻春暄  
變寒冱還恐朱顏易見衰頻添絳幕須周護此時吟賞思逾  
加此時樂事極天涯雛鬟不識眞花朵道是深宮翦綵花

夢歸故園用唐人劉兼韻

夜靜寒風透藥闌黑甜却喜謁慈顏紛紛落葉埋幽徑槭槭  
枯枝罨小山斗室雲封梅影瘦鑑池心冷華門關夢回擁被  
呼鐙坐無限鄉愁繞筆端



夫子生辰賦詩爲祝

眉案相莊逾十年欣逢覽揆擘霞牋從教詩好如康樂莫道  
官貧似鄭虔咕嗶任嗤書裏蠹嘯歌欲傲飲中仙慙無佩玖  
堪爲壽手錄南華第一篇

荔生入直月夜獨坐作

朦朧月色映闌干寂寞虛窗小篆殘橫笛怕聞添客思熏籠  
自倚覺春寒辛勤載筆趨

清禁嘯詠開尊憶考槃料得歸來芸閣裏笑攜好句倩人看  
聽客誦荔生香簌詩

隔窗閒聽詠香簌花影橫斜月影纖渾似茶聲驚夢覺綠華  
冉冉揭湘簾

輓雲儀夫人

京洛相逢共論文登壇眞足張吾軍游揚風雅眞慙我零落  
人琴又哭君丹旄飄飄還故國黃沙黯澹結愁雲孤山山下  
尋元宅萬樹梅花三尺墳

出都畱別亞清林夫人

夫人門高列戟才儼頌椒思可

三秋蕉社聯吟麗藻久馳江左墨莊成集清詞旋達  
禁中而又誼篤盍簪情深伐木列國綺紵之雅比僑  
札而何多寒鉅雞黍之盟繼范張而奚讓余也居同  
梓里喜接芳鄰爰在幼得之年早切景行之志猥以  
作嬪太岳遂爾辭家滯述蕪城未由謀面然而催妝  
之夕曾承彤管之貽莫鴈之時辱惠色絲之句瓊簫  
璧月思之子兮十年畫舫明湖望美人兮千里比者  
犬兒紀歲元鳥司辰余方隨宦都門君亦畱家燕市  
宜南僦屋經營社燕之巢巷北停車密爾棲鳥之署  
初通問訊恍若平生繼覩徽儀竟成莫逆恭簡酒醴  
共晨夕者逾時廣廈崇旂奉聲華者浹歲將謂長親  
警效永奉譙遊豈期遽賦驪駒旋嗟開阻元冥屆節  
折衰柳以奚堪青綺臨岐撫離觴而不御爰操柔翰  
聊志離情深有慙於大巫是用正之姑匠此時小別  
辭君於關山雨雪之中隔歲重來俟我於禁苑鶯  
花之候照存息壤其在斯乎唱徹陽關我將行矣

前身風格是林逋  
築室仍依西子湖  
班左妍詞才獨妙  
郝鍾懿範世應無  
掃除鉛粉畱真韻  
點染溪山入畫圖  
却憶當年同里閭  
相尋翻似隔蓬壺

尺素殷勤辱贈將  
烏絲句好爲催妝  
行間豔奪蒲萄錦  
筆底花明翡翠牀  
片舸我方之版渚  
星輶君亦去河陽  
從茲南朔音塵隔  
欲寄相思道阻長

宜南稅宅接芳鄰  
忽漫相逢意倍親  
紅燭聯吟思雨夜  
青尊被襖憶花晨  
情兼聚散襟懷異  
誼感存亡涕泗新  
余在燕邸儀林亞清兩夫人未幾雲儀徂謝今又與亞清別不勝聚散存亡之感  
最憶虞翻曩昔語  
除君知己更何人

元冥飛霰歲將終  
去住無端任轉蓬  
未易相逢輕作別  
預思後會儻能同  
驚飈眯目邊沙白  
衰草黏天獵火紅  
長路關山

如見憶詩篇莫惜寄郵筒

沂州書感

長路嗟搖落崦嵫日半昏  
遠山拖雨脚曲淵浸雲根  
忽忽歲云莫悠悠誰與論  
轉愁淮市近爭侮舊王孫

題舊居海棠花下

余自北上後舊居已爲感傳外弟攜家入居庭際有海棠一本饒有畫態

今春南旋偶一過之正值花時輒復流連慨賞有懷靡已因以折枝攜歸爲賦是詩志感

舊居猶記仲春時  
日對樓頭芳樹枝  
暎日嬌愁醉妃子  
臨風笑倚倦西施  
十載相憐住幽谷  
秋風分袂攜書簾  
清姿且作綺羅妝  
芸牕忽改黃金屋  
今春又復假裝還  
重挹穠芳各破顏  
堪歎紅塵徒碌碌  
愛渠逸態自閑閑  
低映綠苔紅嫋嫋  
幽情冷韻誰探討  
邨童旋舞蹋香泥  
老媪椎鬟插如草  
仙姿原合伴優曇  
惆悵低回難負擔  
痛汝無言猶值此  
況余多恨更

何堪攜向茆齋作佳客拂几滌罌情脈脈重吟細翫醉一觴  
又見銀蟾照花魄

渡江弔郭景純墓

江豚隱現吹風浪扁舟危坐如天上茫茫六合景空濛小米  
丹青恐難狀須臾擊楫泛中流砥柱三山疊青嶂山隅邱隴  
茂松楸云是景純埋几杖遙把醇醪酌一杯臨風憑弔生惆  
悵記得當時典午朝江左偏安悲草創黃鬚天子賂金鞭蠶  
目將軍開虎帳危邦當法默以容清虛何事生悲壯冀將至  
理悟奸雄赤子蒼頭保無恙泥中曳尾恥偷生厠上銜刀亦  
虛妄八卦思回采石兵一身拚向金山葬堪嗟化碧義從容  
自是驂螭返蓬閭清溪千仞白雲居洪崖子晉頻相訪猶餘  
仙蛻大江間千秋畱作狂瀾障

舟行雜興

四面青山對水窗  
山腰瀑布響淙淙  
呖啞兩槳中流去  
驚起波心鷺一雙

官柳低垂白板扉  
打魚人著綠蓑衣  
廉纖幾陣黃梅雨  
多少歸鴉入翠微

水鄉晴雨總相宜  
擘罷吟箋把酒卮  
只有一般惆悵事  
笈中忘却玉溪詩

隔水人家略約通  
青裙挑菜向籬東  
無情芳草綠隄綠  
隨意山花繞澗紅

亭午揚舲杜若汀  
雲邊一髮惠山青  
愛他年少當墟婦  
清婉吳音絕可聽

柴門不正恰臨溪  
漱瀟清波與檻齊  
燕子飛來低掠水  
蜀葵

紅映竹簾西

冷吟殘醉困騰騰忘却窮愁詩興增出岫孤雲無定著風帆  
瞬息過蘭陵

渺渺煙波客思賒微風細雨片帆斜  
教烹陽羨茶

和逸清先生韻

時清不合隱牆東詞賦偏能晚歲工  
要使中流憑砥柱豈甘屈曲似屏風  
當年抱玉空驚卞舉世何人爲薦雄  
頭白諸生推祭酒如何只戀釣魚筒

顧瑞麟

字六昭自署庠里畸人甘泉人能文章工繪事適  
任生五年失偶矢志三十年自焚詩稿其父執張

存仁于其父處得未  
燼數章刻爲焚餘稿

秋夜

雨過風初靜  
天高雲自流  
砌蛩吟午夜  
街鼓報三籌  
寂寞空樓冷  
蹉跎久病秋  
何當今夕月  
渺渺向人愁

### 村居

門掩垂楊野岸東  
小橋曲折一蹊通  
青山隱隱浮螺黛  
流水潺潺浸玉虹  
得趣花香鳥語外  
會心初日暝煙中  
幽居頗與閒相適  
榮落何妨付化工

### 雨中荷花

空濛細雨暗重湖  
翠蓋紅蕖望有無  
已辦藕香殘作粉  
忍看清淚迸如珠

### 秋宵有感

細雨斜風滿院秋  
海棠花老戀枝柔  
無情青女還相妬  
冷

死總是愁



郭

玢

字依雲  
江都人

瓶中碧桃

數枝迎面屬知音  
謝絕游蜂細雨侵  
不向東風怨零落  
幽牕片月伴閒吟

吳

憲

字佩芳  
揚州人

立春風雨寄夫子仙石

何事逢佳節  
輕寒逼絳紗  
風將舒柳葉  
雨欲洗梅花  
良宴今何在  
青燈話舊家  
甯江共春酌  
曾否念天涯

客中書懷次夫子仙石原韻

愁心相對一燈燃  
耳畔砧聲起四邊  
待月未來聊散步  
拋書無那略欹眠  
人歸大抵黃花候  
客夢先驚白鴈天  
楚水吳山空悵望  
幾時纔放廣陵船

憶家大人之姑蘇

依人無奈豈忘家想見登樓起歎嗟計到姑蘇應一月洞虛  
山上望長沙

聞鴈

鄉心日日淚空彈無那秋聲入夜寒愁絕夢中驚覺後蕉窗  
細雨一燈殘

黃之柔

字靜宜號玉琴安徽歙縣人吳蘭次之  
室蘭次呼之爲江夏君著有玉琴齋集

園居卽事

避俗聊尋勝山園景物幽半篙春後水一笛雨中樓刻竹驚  
棲鳥拋花引戲鷗還邀諸女伴更上木蘭舟

鷓鴣紅過訪惠山次韻奉答

簾捲飛花落硯池掃眉才子坐題詩兩山煙雨青無限總是

雙蛾半蹙時

寄暢園同鵲紅作

一道鳴泉繞碧亭  
飛花落絮滿漁汀  
自從謝女吟成後  
不許

人間俗耳聽

吳

吳蘭次太守之女舉人江辰六配所著有香臺集

村居

涼風吹白雲  
野色獨空濶  
日夕掩柴關  
新蟾吐林末

曝書

黃梅初歇雨晴時  
葉葉雲編趁日移  
却笑金閨非七夕  
貧來施學郝家兒

喜得家宜人書

望盡停雲不見家  
忽傳錦鯉到窗紗  
閒緘瞥見平安字  
不負

蘭缸一夜花

春曉

乳燕一聲春曉天  
碧牕如水綠含煙  
侍兒卷幔催粧早  
無數飛花到鏡前

寄夫子

柳絮輕盈撲翠鈿  
春風憶別百花前  
近來金翦渾閑却  
爲報山陰朱百年

陳

箋

高郵人

落梅和韻

風敲簷鐵雨聲殘  
更道梅花落畫欄  
夢冷衡門新竹徑  
神傷水部舊詞壇  
翻飛應與人爭瘦  
懊惱難憑笛訴寒  
縱到飄零豈須怨  
冰心畱待後來看

邵

笠

字澹菴泰州人工吟咏適生員黃杜若中更家難四壁蕭然爐香茗椀靜坐讀書病中悉焚其稿故

流傳絕少

### 和夫子貸米詩

莫以貧爲病吾儕本寂寥  
餅餌雖久罄意氣不全消  
張子仍存舌陶公肯折腰  
有隣難貸米相對慰清宵

### 新柳

春雨連朝夕開軒柳色來  
纖腰猶怯舞青眼未全開  
葉葉舒新綠絲絲挽落梅  
未堪持贈遠詩意好相催

任

婉

字靜宜揚州人適王子莊詩見十才子鸞嘯集

### 初春卽事

篆閣湘簾潤波光山抱楹  
山雲含雨氣林鳥變春聲  
芳熟琴心古花香蝶夢清  
半窗風動處松子落棋枰

雨中登樓遠望

遠野陰霾合登樓入望賒冷煙癡夢蝶細雨醉春花雲壓山  
千疊波翻水一涯綠楊鶯不語枝上獨喧鴉

上巳

近城村墅草如茵宿雨初收曉色新青嶂馬嘶迎社客綠波  
艇戲祓除人煙薰麗日鶯啼樹花落香泥燕舞塵千古蘭亭  
傳勝事風流猶憶永和春

寄黃夫人

煙昏停繡帙倚檻憶同盟知爾香閨裏春星一樣明

曉起

香魂正逐煖絲遊篆靄濃煙擁畫樓鶯喚曉窗春夢醒一庭  
花氣上簾鉤

胡蝶

海榴枝上獵新紅  
羨爾翩翩善御風  
曾憶淡雲疎月外  
嘯煙看入藥珠宮

吳

湘字若耶江都人圖繪寶鑑云若耶工詩畫善撫琴困于貧歸參軍范崑崙客寓西湖有西泠詠今寓

吳門借老云

西泠詠

不解嫺刀尺  
隨時看好山  
檐牙香篆字  
湖面翠生斑  
靜亦琴中福  
勞因詩未刪  
古人悲莫見  
椎髻望躋攀

題毛烈婦繡帽

花羅半幅抵千金  
持贈猶憐一片心  
莫遣爾翁覩遺繡  
白頭悲汝恐難禁

徐珠淵

字善懷江都人爲施愚山側室年四十卒施彥格施氏家風述略續編庶母徐氏名珠淵字善懷廣

陵人十三歸先君前一月有北官過邗車服甚都欲納  
歸其母將許之遂泣曰彼富貴累葉殆執綉習也兒何  
歸乎兒願得侍文人爲東坡之朝雲足矣先君聞而憐  
之遂聘焉四年舉一女弟薨後卽不孕歲已未先君改  
官殿講庶母寄詩有老夭若解妾心苦北地風霜盡轉  
南之句繼母李宜人命淳兄奉之入都又三年先君疾  
兄適咯血歸予亦南還庶母則焚香籲天封股和藥以  
進且誓于神曰主翁生平德積于躬縱必不起亦延待  
其子一訣乎否則以儒生平德積于躬縱必不起亦延待  
矣因長號達旦如是者三晝夜丙夕白光如匹練自屋  
上落俄奇香起榻前先君忽甦自是始能粥食癸亥三  
月二十七日事也予聞報奔侍五月初始至又七十日  
先君歿庶母朝夕哭奠如生五年猶一日卒悵鬱以死  
遂與先君合葬於螺蛳冲庶母粗能詩每自焚其稿死  
後檢得數首附見學餘集小粉場雜識讀施愚山先生  
集見其孫璵拔徐孺人刲股作羹療愚山先生疾事在  
侍姬而操志如此誠爲可敬及讀儒人  
詩句語清真絕無脂粉之態尤爲難得

寄北

風緊牽離別燈殘人未眠此身無羽翼安得到君邊

愚山寄和徐姬

珠淵詩莫怨經年別天寒耐獨眠老夫魂欲斷夢不到君邊



北寄小鏡

六月扁舟別故山，勞勞旅況幾時閒。傷心不啟匣中鏡，千里

依依伴客顏。

愚山和姬人珠淵寄小鏡詩白頭相許伴青山。天意驅人不放閒，寄到菱花將錦字，斷腸獨自

照離顏

周貞媛

字瑤石，泰州人。適施千里，著有闕闕集。

哭章幽蘭

春風秋雨幾神傷，寥落空閨憶曉粧。亦信有才天也妒，可憐無語骨猶香。玉簫聲咽三更淚，銀燭光搖五夜霜。碧落黃泉皆是恨，何須鶴唳斷人腸。

白竝頭蓮

亭亭竝立厭濃粧，枝上新凝六月霜。素質不登青玉案，縞衣常伴白頭郎。比肩如約無私語，對面相憐有異香。謾道予家

畱別愛濂溪清淺已成行

周淑媛

字又洲  
泰州人

元日哭先大人

一夜思親淚天明又復收恐傷慈母意暗向枕邊流

柏盟鷗

字映潭著有柏潭詩鈔韓矩序稱廣陵閨秀爲沈中垣之甥善丹青工絲竹韓矩沈中垣皆不知何

處人

秋夜

畫眉收鏡晚窗下理吟箋水漾星搖幕雲圍月暈天絮蟲吟  
夜露老鶴夢秋煙樽酒誰家院嗚嗚奏管絃

遊法海寺

淡煙疎柳外信步到招提竹院閒眠鶴蕉陰靜聽棋破雲飛  
紫燕坐樹語黃鸝鐘鼓經壇響千山夕照移

春日和刘夫人韻

夢回窗下理縑綳，簾捲輝輝曉日光。  
燕子輕風芳徑煖，杏花疏雨畫樓香。  
驚雷野蕨迎階秀，解籜新篁拂檻長。  
一樹春鶯啼不斷，粘衣蝶粉膩如霜。

題畫

樹擁津亭小，雲迷古寺深。  
扁舟溪上客，獨立釣湖心。

遣興

雪翻石鼎煮新茶，楊柳風微紫燕斜。  
蝶夢已同香氣煖，小窗秋水讀南華。

小畫遣興

石榴花片落書牀，蝶掠風絲過短牆。  
簾滑龍鬚初睡足，自調丹碧寫煙霜。

陳氏

號爽軒江都人工詩善畫選入京爽軒贈詩有云太平

適楚人黃垓圖垓周起天子文章重

清白家聲夢寐安年三十卒著有和鳴集

採蘭

地僻少四隣  
鎮日柴門閉  
雜草與栽花生來頗相契  
庭前一株蘭  
春風勤樹藝  
今朝開幾枝  
芳氣襲我袂  
眷戀不忍離  
割愛冠高髻

春日攜諸兒玩花嶺雲亭

寂寂香閨春過半  
小鬟報道園花燦  
何事顰眉坐綠窗  
不妨相攜恣遊玩  
曉簷更喜放新晴  
那怕東風吹鬢亂  
大兒憐香  
繫花鈴  
幼女拾紅仔  
細看依依笑語  
且開顏  
少焉璧月懸銀  
漢蟾娥  
自是箇中人  
清光的的籠花畔

春夜雨窗有感

一夜蕭蕭雨聽來祇自嗟雲偷三鼓月風嫁一團花白粲今朝盡青莢何處賒愁腸無可浣撥火自烹茶

冬夜述懷

漏冷風尖月影微蕭蕭木葉打柴扉晚煙不斷迷村落旅雁孤鳴掠釣磯已剔殘燈翻繡譜還燒百和襲寒衣貧家自有清閒趣料得紅爐煖闌希

坐月西爽軒同夫子噉圃

竹影搖窗碎花光映月明不知清漏下祇覺素羅輕

七夕寄夫子噉圃

偶然一別又經秋隔斷銀河水自流縱使鵲橋真可架如何渡得許多愁

倪

氏

福建人適江都某生早夭著有鷗怨草序云內子爲閩中巨族依其舅氏林公子白門孟夏歸余無

何一病不起檢遺稿屬余已鐫此以志不朽夫子之忍  
廿日卽百年也客有善李少君術者爲余招魂叩生前  
事歷歷如響復作詩  
十數章續于卷末

### 偶成

芳心無緒爲誰牽黛減容消似枉然已作薜蘿離恨草莫看  
菡萏竝頭蓮重逢故舊應歸夢遙憶關山正隔天時序推移  
將七夕銀河相望路絲絲

楊

李江都人方樸士環翠軒詩集及鄭  
破水梅花書屋圖贈言皆附其詩

### 月夜芭蕉次韻

孤光叢影引一院綠滋豐的的生幽色搖搖動遠空隔簾秋  
水似映几碧天同不盡舒懷思蕭條林下風

### 邗江七夕

每到秋來詩思多雙星此夜又經過只知人世沈情海不信

天工戀愛河過去韶華母歎息當前好景莫蹉跎閨中笑我何能巧空向雷塘弔玉娥

蔣夫人招泛舟風雨忽至

北郊槐柳遶林園曲調陳隋處處喧花葉一湖飄斷續隨風隨雨到青櫓

今朝應是洗花妝好景幽人恰恰當多少丰姿俱約略從來不識有鴛鴦

楊克恭

字德基江都人少傅敬莊之孫女適德清柳齋徐志巖

語封宜人

著有蘭藻閣詩

病餘對雪用蘇公北臺韻凡五疊得十首

一陽初轉力猶纖滕六司權令肅嚴松偃正窺披氅客竹欹渾灑引車鹽小鬟忍凍敲葦白野雀愁饑絮畫檐無奈長寒常攏袖焚香暫露指雙尖

病懷消遣愧塗鴉，好借清光映五車。  
搜索枯腸依險韻，迷離老眼炫空花。  
牕蕉靜對維摩畫，椀茗還憐學士家。  
此際漁翁歸艇子，醉眠蘆絮閣魚叉。

寶鼎焚香幾縷纖，修持入靜誦華嚴。  
薄田收息分薪水，冷署牽愁計米鹽。  
已釀屠蘇催鬪盞，尚遲梅鬢莫巡檐。  
年來霜鬢無膏沐，不用呵毫畫黛尖。

瑤天點破數行鴉，苦憶羈人遠道車。  
侍女敲冰煎藥汁，雛孫騎竹戲瓊花。  
煙迷巴峽猿啼影，香冷孤山鶴守家。  
閒裏匆忙緣底事，梅斜竹壓倩扶叉。

生疎病腕字痕纖，詩律難如戒律嚴。  
家甕且嘗花露酒，官鮓疑拌水晶鹽。  
護持綠萼盆供案，收拾紅薔架入檐。  
欲附吟壇鑒白戰，閒愁不上兩眉尖。



鏡裏新更兩鬢鴉漫嗟歲月轉輪耳如何示寂維摩室又見  
飄空天女花剡曲興闌應返棹灞橋吟苦未歸家阿儂蜩縮  
寒如許腹稿吟成手嬾叉

避寒不染俗塵纖作惡狂飈著意嚴共慶白頭和水乳却愁  
赤足問蠶鹽牕疎屋老月侵案雲慘天低冰挂檐欲寄平安  
書兩字怪他凍結彩毫尖

依樓玉樹噪昏鴉盼斷江南腹轉車往事回思如嚼蠟浮塵  
不動幸拈花爐溫活火香畱篆庭積寒輝犬吠家自笑綺羅  
餘習氣續貂深愧步尖叉

身似秋蟬飲啄纖那堪半月苦寒嚴無心世事泥沾絮有意  
禪機火著鹽花凍銅餅開蠟蒂風喧鐵馬過冰檐自憐歷盡  
艱難境已陟浮屠到台尖

早歲人同覓食鴉近來懶拽老牛車心燈已悟繁華夢意藥  
還開冷淡花煮朮焙參偏廢日蒲團經卷自成家好憑慧劍  
刪煩悶培植靈苗無樹父

陳

珮字懷玉天長人儀徵江賓谷是室七歲熟毛詩識  
聲韻十歲詩云惜花有夢疑春雨愛月多情怕晚  
雲當時傳之雍正戊申卒年二十  
二著有周房集詩一卷詞一卷

春日侍雨大人遊西園

暮春節氣和鳴禽悅芳樹良辰侍板輿駕言西園路短垣翠  
微出曲磴雲根度維時晨雨收古藤墜香露妙賞豁心胸琴  
書博佳趣歡宴不知疲天真暇多遇

書室新修率題

沈沈庭戶畫無譁景況居然隱士家滿院東風飛燕子一欄  
春雨卸桃花吟餘自愛爐香靜睡起偏宜茗味嘉安得清閒

淮海英靈集

王集

長領受不教流水悞年華

梅

冰香雪韻絕纖塵萬卉蕭寥獨見新豈是高情厭桃李孤標  
原自不宜春

春日曉起寄程夫人

柳梢初日影纖纖紫燕翩翩自出簾想到綠窗清課早香傾  
花露寫楞嚴

古寺

古寺荒涼野澗濱粉垣宮瓦尚峻嶒青松蓋地嘶羸馬黃葉  
堆門枕病僧歲歉人家香火斷年深碑碣土花凝蕭蕭落日  
西風裏半晌停車感慨興

秦郵舟中晚眺

曠宇忽然晦茫茫湖水昏遠拖涼雨脚時漏夕陽痕野艇爭  
收港荒城早閉門依窗凝望久鄉思黯銷魂

上方禪智寺

蕭疎古剎掩松關遺址空傳大業間四野暮田春草綠一樓  
鐘磬夕陽閒窗中僧定無寒暑檻外帆多自往還隱隱山光  
相望裏繁華如夢水潺湲

病中贈桐城閻秀方阿青

邢鶴先  
生女

一門應不慙諸謝風絮尤傳道韞佳却愧無緣親笑語捲簾  
人瘦比黃花

袁

機字素文如皋高振宜之元  
配浙江簡齋太史枚胞妹

鏡

我有秦宮鏡清光欲上天近看花獨立遠望月孤懸菱角何

時鑄盤龍不計年無人來照影拋擲井欄邊

追悼三首

燕去空梁晚簾虛素月流輕羅冷團扇明鏡掩妝樓有女憐  
孤稚無書問遠遊誰知白楊樹蕭瑟墓門秋  
死別今方覺生存已少緣結襦過十載聚首只經年舊事渾  
如昨傷心總問天蕭蕭風雨際腸斷落花煙  
寂寂疎簾裏飛霜下碧空殘花啼曉露病髮落秋風脾合三  
生幻雙燕一夢終憑棺猶未得淚盡大江東

輓陶姬

阿兄  
侍者

誰道孤鶯作別離紅蘭消息彩雲悲妝空畫閣春歸早親遠  
關山信到遲素紙臨風空望影燈花何日再論詩知君最是  
情難割膝下嬌癡珠玉兒

修眉雲髻態情情欲返香魂路莫尋鍼線頻勞雙手爪悲歡  
同說十年心無家歎我姻緣惡瘦影憐君春恨深從此綠窗  
金翠冷蘭薰粉澤盡銷沈

有鳳

有鳳荒山老桐花不復春死還憐弱女生已祚陳人燈影三  
更夢堊花頃刻身自傷明鏡裏日日淚痕新

隨園雜詩

采蘋亭上煙波暖需雅軒前竹石清水榭雲廊三十六玻璃  
牕外月先明

幾叢水竹湛清華終日遊仙總在家慣趁山中春信早別開  
花讌讌唐花

樹上鶯啼花上歌水生紋錦月生波簾垂玳瑁看山遠座隔

芭蕉聽雨多

草色青青忽自憐  
浮生如夢亦如煙  
烏啼月落知多少  
只計花開不計年

袁

棠

字雲扶一字秋卿簡齋太史校之錄  
歸儀徵汪楷亭孟弼著繡餘吟一卷

七夕

遙見微雲海上生  
接來一帶鵲橋橫  
幾家簾捲鍼樓月  
何處人吹玉管笙  
傳說女郎今夕會  
果然風露此時清  
嫦娥似亦憐深意  
影照銀河分外明

小除夕對雪

流光易過往來期  
雪影重堆白玉枝  
幾處絃歌驚此夜  
有人簫鼓憶當時  
破牕月射燈花淡  
陋屋風來帳影移  
一度年華看欲盡  
熏爐漸冷漏聲遲

十二月廿四日立春作

癡雲凝凍雨漫漫小閣寥寥獨倚看影逼闌干憐日短節催  
草木換春寒銀瓶水凍栽梅瘦金剪刀寒刺繡難不覺東風  
花信到琅玕猶喜報平安

春閨雜詠

年華來去水潺潺寂寞深閨春晝寒一樹流鶯千樣囀夕陽  
花影在闌干

佳節清明又一年梨花深苑斷腸天東風微雨添惆悵放下  
湘簾聽杜鵑

溶溶新水漲西池裊裊春風蕩柳絲梁上營巢雙燕子斜穿  
花徑啄香泥

池上垂陰杏子青一天微露漾疎星梨花消瘦流鶯老楊柳



清江先生集 三集  
風來月滿庭

輕風翦翦柳絲絲一徑花飛  
干外筍參差

薄暮東風散晚晴繡牕高映  
推簾看月明

清明

十分寒剩一牕煙作就清明  
滿苑綠楊天捲簾新竹調鶯  
歡笑語女郎花下戲鞦韆

早春寄香亭二兄

春滿佳城水解冰天涯踪跡  
鶯花又見新細草漸迷江北

最上枝昨夜新雷今夜雨小闌  
一燈清祇因怕聽鄰家笛不敢  
花信前芳草映階紅杏雨殘鶯  
鷓落日深林叫杜鵑隔苑遙傳  
逐輕塵衡陽雁字何曾到淮海  
路垂楊初放武林春時逢二月

關情甚雪裏題詩寄遠人

弔吳姬

幾年零落減精神  
譜得驪歌已出塵  
柳絮才飛三月雨  
梨花忽謝一枝春  
新鶯度曲空傳恨  
舊燕窺簾不見人  
剩有青青三尺土  
飄然無處覓前身

新秋雨夜伴五弟讀書

雨洗新秋夜  
孤燈冷畫屏  
暗雲籠淡月  
深竹隱流螢  
鍼影起寒色  
書聲耐久聽  
共君當此際  
身事等浮萍  
漸瀝秋風裏  
蕭條萬物情  
桐飄金井冷  
人爽玉壺清  
寒杙出深巷  
新砧滿禁城  
可憐窗下雨  
如助讀書聲

高

蟠字紉蘭如臯高氏女適巢民先生曾孫維揖

寄嫂氏梅花

三吾往事總堪哀  
水繪春風盡劫灰  
猶有老梅一株在  
強支霜雪近人開

寄將憔悴與君看  
人共梅花正一般  
只恐深閨還自惜  
冰霜姿格有餘寒

高蘊玉

字永仙如阜高椿女適候選縣丞陳兆開

杏花

才慚咏絮強拈詩  
正是園林杏吐時  
縱好莫教出牆去  
春光恐有外人知

夏日

綠陰濃處落紅香  
窗遶山溪水氣涼  
饒有琴書消永晝  
工夫餘得繡鴛鴦

俞廷元

字素蘭泰州人乾隆乙酉舉人俞埏之次兄

送衛臯讓林兩弟遊京師

阿姊閨中數去程  
翩翩兄弟又長征  
燕臺此去三千里  
珍重聞鷄破曉行

哭夫

一閉桐棺倏五年  
相依形影總帷前  
紛紛血淚啼枯後  
只是春深怕杜鵑

方婉儀

字白蓮歙之聯聖人儀徵羅兩峯聘之室也兩峯以詩畫名於時白蓮亦能畫梅竹石熟於史事每

隔姊妹如輩陳說古節孝事娓娓弗倦年四十八卒病時兩峯將遊京師為集唐詩送之云病得清涼滅四肢膏肓終恐誤秦醫自知死亦人間事多是秋風搖落時握手那堪此別離雨昏輕浪挂帆遲病中不用君相憶夜夜孤眠枕獨欹著有

白蓮半格詩一卷

題許太夫人綠淨軒集

婆娑白髮謝花鈿  
慈教爭傳孟母賢  
古柏貞松比詩品  
一生

不作女蘿篇

觀夫子兩峯傲唐人墨竹

佛幌輕煙泛古香清風解籜晚來涼白尚書句重拈出一十  
五竿協律郎

生日偶作

冰簟疎簾小閣明池邊風景最關情淤泥不染清清水我與  
荷花同日生

程

雲

字友鶴別字梅衫適儀徵汪文琛乾隆庚寅疾故文琛輯其詩爲綠窗遺稿一卷

鑒江行

鑒江江水差差綠岸柳江梅間青白梅殘柳敗雨風中不管  
人間春事速水流花謝雨悠悠只送青春不送愁暖漲東風  
自來去長年鳴咽繞眞州

詠梅

冷淡空香雪裏真峭寒偏助玉精神不須更入羅浮夢一段橫斜自可人

偶成

何處鄉山是我家白雲草閣在天涯一灣流水下孤鶩幾點遠峯橫落霞靜裏偏教詩思遠閑來更覺酒情賒行吟偶向疎籬外愛倚西風把菊花

答芸姊

瀟瀟夜雨響空階無限離愁撥不開剔盡昏燈情已倦清宵轉喜夢頻來

滿腔愁緒倩誰分心逐高空一片雲望斷好風吹過去一行新雁自成羣

兩地深情隔遠峰雙魚遙寄水重重開時莫作尋常看不盡  
愁思帶淚封

和鵬妹雨窗詩韻

綠雨聲中起嫩寒白蘋花老碧江灘別來無限相思處剔盡  
燈花獨倚欄

紡織娘

籬豆花閒月縷車軋軋聲如何終夜織不見一絲成

梁蘭漪

字素涵一字蓉溪適汪生

早寡課子讀書清

受族姪汪容夫以百錢爲壽作返錢歌還之著有晚香樓詩稿二卷國風柏舟之正聲庶其近之子端光乾隆辛卯舉人官國子監學正

乙丑季秋于歸贈夫子

絲絲生有時于歸喜君子妾心同皎月君懷似秋水關雎樂

雅化衛風無正聲物滿器必覆好還天忌盈家齊後國治立  
身良不易努力惜分陰莫負青雲器

送妹于歸廣陵

雙淚燈前落停杯不忍斟音書他日思珍重此時心失母憐  
君小成人慰我深無違事夫子莫忘古人箴

儻居廣陵慰夫子四絕句

錄二

蓬門也有燕相過回首家山喚奈何舉世無人憐范叔青衫  
依舊淚痕多

一篇常對午風徐差勝豪門強曳裾他日於陵成小隱辟鱸  
原不廢詩書

哭夫

嗚呼痛哉予命不辰生而多厄母捐雙息髮甫披

客裏老親感霜華之滿鬢乙丑季秋于歸夫子雖能

舉案愧無賢女之風縱不畫眉實具才人之筆孰能



彩雲易散遂令比翼分飛十載深情一朝永訣五齡  
幼女豈諳鍼黹心八歲孤兒未識詩書手澤恃而  
兼估百事萃于一身貧也加勞三日恒難二沐折蓼  
教字恥分鑒得之光抱甌啼飢羞受嗟來之食恒茹  
荼以飲泣亦開卷而傷心從此秋月春花無非蓬  
首夜鐙晨白總是斷腸聊復苦吟用誌悲感云爾  
兩行血淚染啼鵲一瓣生香總帳前兒可讀書妾矢志君應  
含笑入黃泉

心期偕老百年恩誰料翻爲夢裏魂有夢不教君到我呱呱  
兒女泣黃昏

圖書典盡事淒其百感空縣命一絲明滅孤燈人不見黃昏  
風雨斷腸時

### 課女

瑣瑣小兒女窗前初訓詁乍囀似鶯簧低吟類鸚鵡摹書筆  
猶澀見人羞不語汝母薄命人償盡詩書苦四德與三從殷

殷勤教汝婉順習坤儀其餘皆不取

送端兒眞州小試

離鄉今十載  
帆影認青山  
漫憶予多病  
尤憐爾素孱  
先人丘壠  
祀故舊  
鬢毛斑  
努力承親志  
先鞭奪轍還

哭父

前生應是斷腸人  
坎珂窮年志不伸  
母喪夫亡悲已極  
憑棺又哭白頭親

易簣猶多未了恩  
檢將書史付閨門  
先君易簣時猶以世一史付予  
予非班女慙無學  
空抱遺編泣斷魂

慧業文人原有異  
讀書猶似少年時  
可憐絕筆前三日  
曾共

童孫說杜詩

先君粒米不入口者將半月矣猶令端兒在旁說詩

春夜聽隣女度曲

清喉隔院繞梁塵六拍紅幺字字新曲裏分明悲薄命天涯  
飄泊定前因丁香枝上麻纖雨豆蔻闌邊黯淡春百尺粉牆  
遮不見料應原是可怜人

返錢歌贈族子容甫

去年兒失脩脯養餽屋無方意沮喪一枝何處可安棲百里  
無糧心怏怏我雖悽愴恥言貧泌水衡門盡佳況方楊汪李  
段俞程諸君尚義埒古人醵金助養謀米薪共言毋作東海  
塵兒傳諸君言諄諄我心感激惟書紳諸君高堂皆有親脩  
脯難繼斑衣新何可分甘到潤鱗我貧我賤甘沈淪豬肝不  
累免顏皴平生恥食嗟來食蒙袂貿貿存吾真聞君又踵諸  
君至不惜重敷哀曲事旬旬放學於陵陳檣壤黃泉皆活計  
前月多君贈百錢令兒甘旨供肥鮮我聞喟然三歎息生來

羞受錢之憐兒言不可却之堅却之太甚如矯廉無可如何  
加封緘藏之笥篋心拳拳秋風起兮雲滿山遊子思歸親母  
顏淒涼百里無錢渡方識人間刀布艱開緘呼兒持前資返  
君隆情正其時助君行色成君孝我情君義皆相宜世間奇  
才不易得得之難有荊州識人皆欲殺吾獨憐中也進修宜  
努力進修努力休苦貧我心君母兩同情文章有日逢明眼  
專聽春雷第一聲

九月望日坐月

待月東堂坐轉深西風聽遍漏沈沈三更月淡銀蟾影九月  
霜寒塞雁心無數樓臺明夜火幾家簾幙響疎砧愁人耐盡  
秋蕭瑟獨與哀蛩徹曉吟

癸巳秋率兒婿女媳掃夫子墓

憶昔艱難守志時麻衣親製鮑家詩埋煙蝕土君休矣  
噉雪吞氈我受之百轉酸心擎稚女雙含血淚看孤兒  
可憐心力都拋盡百尺黃泉知未知

俞杏貞

金匱人東川之女弟也許字高郵州金明經蘭越三載明經訃至卽縞素銜悲以卒京師士大夫弔

之以詩著有杏軒集

### 過露筋夫人祠

遺烈傳千古閩名似讀銘噬膚空幻相屹石護貞靈未見野  
蓮白惟傷沙草青巍祠畱砥柱多少女郎經

殷氏女

王阮亭池北偶談云超一子者廣陵殷氏女早寡學道三年一朝坐化遺詩偈一卷

### 看花

土來澆灌水來栽顛倒工夫任我來滿院春風花自語不將  
顏色向人開

王

微字修微號草衣道人江都人適太僕寺評警卿後  
因揮灑千金好金石收羅古器然亦隨人散去性至孝  
不沐浴不奉母食幼失父不知葬所泣涕飯命刺血書  
經卒得父骨死葬西湖著  
有遠游篇閒草期山草

重過雨花臺望春江

春恣靜東岑雲影結遙燦坐覺高臺空不知翠微半落花自  
古今啼鳥變昏旦撫花良易遷卽事聊成玩況乃晴江開綠  
波正拍岸

舟次江潯

一葉浮空無盡頭寒雲風切水西流蒹葭月裏村村杼  
繅蟬霜中處處秋客思夜通千里夢鐘聲不散五更愁孤踪何地  
堪相託漠漠荒煙一釣舟

吳

琪字榮仙揚州女道士詩  
附見范廷瓚竹西詠

題繡霞堂畫

江樹迷離鷗自浴江雲飄盡春山綠渡頭小艇賣魚歸月映  
斜扉滿籬竹讀書樓靜倚闌干一望煙霞碧落寒奇嶂插天  
藏古寺流泉懸壁露危灘玉笙聲斷鶯啼處狼藉落花飛不  
去將身欲置畫圖間相與神仙覓往還

蔣

葵字冰心泰州人生而聰慧甫識字卽能解大意爲詩無師承輒工後爲尼字德日著有鏡奩十詠等集

夢醒聞鴈却憶女弟

依稀蓮步夢中來忽聽孤鴻意自哀爾爲失羣予憶妹煩君  
寄淚到粧臺

蔣

蕙

字玉潔蕙之女弟後亦爲尼字德月

閨怨

限溪西雞齊啼韻并一至十百千萬兩雙半丈尺字

十丈深情四遠谿風光二月六橋西八千路遠三秋別百萬  
愁驚一夜雞白璧五雙盟尚有青絲七尺結難齊半生兩處  
成孤夢九折柔腸烏夜啼

雨夜夢與冰心女兄話舊

孤窗閒臥不勝愁夢逐嬌癡舊地遊繡閣牽衣欣聚首粧臺  
倚膝倩梳頭驚魂夜半蕭疎雨分袂更殘寂寞樓枕上傷心  
無數淚曉來寧忍一舒眸



淮海英靈集目錄

鄉人阮元輯錄

癸集卷一

方外

李惠源

澄朗

成楷

明章

佛暘

德溥

德源

行吉

湛汎

梵音

明中

復顯

如震

超際

性仁

淮海英靈集

鄉人阮元輯錄

方外

李惠源

字衡山江都人黃冠而有詩癖者也遇人輒言詩往往取憎焉于宜陵鎮之東結菴養母茅屋三楹

題曰東社與布衣姜尚遠沈大修姜紱姜紳日吟詠其中

江月

東溟漾漾阻仙槎鯨掣冰輪出海涯  
星斗光芒搖水國漁歌悲壯老蘆花  
鼉窺夜色鳴荒戍雁帶秋聲下白沙  
一片空明真似鏡莫生寒暈冷千家

春日東社新成述懷四首

蕭疎茆屋結溪東  
埜鶴營巢辛苦同  
陶鑄古今歸筆墨  
招邀風月入簾櫳  
報書不惜呈蕉葉  
醖飲何曾索社翁  
翹首故人頻命駕  
江南春樹轉空濛

淮海英靈集

癸集 卷十

敢向喬林借一枝天容卑隱亦吾私  
桑抽嫩葉蠶孃早巢壘  
香泥燕子遲每向東鄰分杏火不隨楚客咏江離  
年來長物家何有一甕村膠兩袖詩

修禊年年似會稽  
兔毫繭紙自分攜  
溪橋宛轉扁舟入竹樹  
參差小閣低坐月  
合邀江鷺伴徵歌  
獨共老鶯啼撥開香霧  
酴醾醒滿院落花青草齊

太平歲月紀羲軒  
人坐東風淑氣溫  
老去更知書味好  
閒來方覺布衣尊  
山光著意青依屋  
溪水何心綠到門  
報荅春暉無一事  
年年花下共開樽

澄

朗

宇秋浦鎮江丹徒人爲平山堂僧三十餘年  
三次迤恩奉救題法淨寺額

招提

寂寞招提境  
重重古殿開  
殘陽橫翠壁  
疎磬出香臺  
願色

邊起秋聲樹裏來獨尋松下鶴無語立蒼苔

送白齋上人南遊

相別忽相聚無端又遠行悲歡同月淡去住等鷗輕欲報恩猶在無言淚欲傾歸來應有日且逐雁南征

成

楷號貢植實應一宿菴石老人弟子居  
楷儀徵之方山著有白雲詩草一卷

方山休夏

我愛茲山靜炎涼試五年青蘿生殿角黃犢老山巔礪底千絲柳池中十丈蓮了然無動轉跌坐見前賢

擬隱山居

已了平生願何須屬後塵鐘魚嚴梵典爐鞴肅僧倫瓢笠仍隨我烟霞不讓人息肩知止室從此一閒身

出關偈

南詢却十年萍踪在吳越己未省師歸容身得十笏吾善不足欣避惡如蛇蠍道業苦難成須臾分出沒蒲團一夢醒煩惱始休歇休歇卽菩提不隔一毫髮習靜樂真修翻經爲寶筏韶華如電光歟忽三十月今夏出禪關塵勞免竭蹶世幻等浮鷗我愚若枵柚大智仰蒼天雲閒無礙發

擇菜偈

深栽淺耨幾人知咬得根香正此時擇菜須通擇法眼青畱黃去本無私

明

章

字倬雲號紫松石門人揚州天寧寺僧著山房做帚錄

草堂卽事

柴荆風雪裏幽事漫相關細篠青搖雨寒花白放山坐深宵欲霽吟愜意先閒皓首竟何得身心冷落閒

佛

暘

字旭亭  
江都人

月夜過雷塘道中

誰唱吳歌古渡頭一聲清怨過迷樓  
淒涼滿地蘆花月撩亂連天鴻雁秋  
寒樹著霜猶是綺廢塘埋玉尚名句  
道人不爲繁華感露草霜花一段愁

德

溥字百泉通州僧詩筆清拔讀史詩以禪理出  
入志傳尤獨出機杼著有腰雪堂集二卷

讀史

常駿使赤土不知歸所際香花奏蠡鼓  
珍重金函閉魚在水上飛人從天外視  
乃知婆羅門揮斥亦恣肆我法若乘筏  
我心若操轡南海極樂邊再撫沛已至

往昔瓦官寺三絕鎮若山玉像四尺二  
五色潤斑斕獻從師子國十載淹江關  
歷晉及宋世永永無有患傷矣齊東昏  
毀

爲嬖妻顏四輪載一鉢八象猶難扳割截及佛身胡聽若冥  
頑悲憫重廢興豈以一身慳所以平等寺金像涕潺湲唾天  
不至天墮處仍善還玉釵豔幾時塵埃同露菅

聖人定大衍差謬正其微事後八百年一行應前期天台訪  
算法國清尋師資門水舊東流至若回風吹稽首受其數羸  
縮略不遺術成跨百代落下言豈欺遣鐘人久寂降榻事焉  
追夢想西流水吾行將安之

白學者誰子著論曰均善不免自貶斥奉聖以壇墀見賞元  
嘉中大被時主眷遂爾參權要謨謀得專擅座上披貂裘車  
中障腰扇宰相稱黑衣書生慚白面我教旣所擯姑勿行呵  
譴賣論以取官在聖寧非賤

八萬四千法了悟歸諸空當其未空時必由文字窮大哉鳩

摩什七歲著淵聰日能誦千偈隨誦義自通長安草堂寺新  
旨妙發蒙更出三百卷深廣暢厥宗舊經多紕繆一一商異  
同講坐音響敷聽者皆肅容傳流得受持大教所以東俗僧  
不解經提挈憑鼓鐘願雖廣於天豈云出家雄

聽蔣山人彈琴

高士山中來秋衫帶微露童子抱琴隨囊以龜紋布爲我理  
冰絃落指卽成趣一散未及終冷然發清悟古調堪自娛豈  
望知音遇惘惘思子期俞生亦云固

山中訪隱者不遇

上山下山山砌足入雲出雲雲遮目躡屐來尋隱者居萬疊  
雲山一茅屋灑掃不見三尺童守門獨臥千年鹿徘徊溪畔  
無人聲但聽春流響空谷



贈鄭韶九

韶九先生年四十嗜酒文淵傳家癖夕陽斜映頰微紅衣拂  
空濛露猶濕門前略約流泉鳴鄰鄰水石潈孤清不識仙家  
何處住雲中髣髴雞犬聲寂寞古臺胷烟霧深秋藥草滿山  
路招取金童吹笛來凌風我欲從君去

題宋顧孝子祠

孝子祠在東郭隅烟荒雨爛戶無樞宋季歷元百年餘明初  
文皇表其廬大孝格天事絕殊母目重光有是夫嗟余業白  
別庭除回首尸饗暮倚閭

望廬山

楚山秋霽後突兀望匡廬瀑布雲開處香爐雨過初雙溪纔  
咫尺五老在空虛欲問遠公跡蒼茫指點餘

太子磯

太子磯邊路澄江面面開雲依檣影動潮湧月痕來有磬懸  
山閣無人臥石臺千秋著靈異吟望一徘徊

黃山慈光寺

羣峰圍拱妙蓮臺鳥道雲梯十里來山徑曲隨雲脚轉寺門  
高壓樹頭開遊人蠟屐攀初倦佛子蒲團定已回一笑相逢  
同領會三生石上不須猜

文殊院

一菴峰頂上迤邐踏雲尋細草烟含碧修篁石護陰僧同棲  
鳥定客對落霞吟明月東山上疎鐘出暮林

送汪卜三歸淮南

黃色睂端見知君賦曰歸幾回縈別緒無計挽征衣楚雨片

帆下淮烟一雁飛何時重艤艇還歎老僧扉

別孫雪棹

匆匆判袂各天涯君返龍城我驥沙料得胡園春尚在小紅  
開到米囊花

洞庭秋月

萬頃烟波動客愁扁舟載月楚江頭不知木葉幾時下却照  
西風無數秋清漢一痕涼露湧白蘋兩岫亂潮浮素娥自向  
人間去湘浦誰從解佩遊

德

源

字巨澤  
泰州人

癸卯暮春同東谿北垞泛舟紅橋

水榭輕簾處處通一溪柳絮颺春風酒沾別墅青帘裏詩在  
平山翠靄中野水無情隨眼綠村花何意戀人紅橋頭明月

依然好可許清遊到夜終

行

吉

字遠村江都人  
著有遠村詩鈔

對月感懷

一片似愁心孤懸上碧岑烟光浮野白客思入秋深故渚三更雁荒溪半夜砧平生蘆霍志久矣在東林

湛

汎

字藥根江都徐氏子自少爲僧好交四方奇士詩學三唐其詠菊云我有霜蕊今鶴髮年年益壽向

伊謀趙侍御青藜稱之以爲夢蓼嗣響集中若此甚多九歷來詩僧所未及也清有雙樹堂詩鈔五卷

新秋雨中同程香溪太史黃北垞閔玉井許藕生韋葑軒程筠榭書舸諸君過莎圃分韻

商飈吹颯爽涼雨洗寥廓不辭泥濘艱來踐良友約莎圃結搆精曲折饒邱壑樹繁深院宇荷靜閒池閣幽興殊不孤好懷斯可託坐待暮鴉歸暝色一林薄

將之焦巖畱別邗上諸子用岑嘉州終南山雙峯草堂

韻

我本雲水人交多素心輩彈琴且賦詩相與晨夕對偶欲躡  
焦巖長揖別英概去此不百里乃在松寮內繁喧勿我擾孤  
寂性所愛茫茫宇宙寬浩浩江海大舒嘯雙峯巔周覽衆奇  
會黃鶴擬可招青山遶如帶巍峩不波亭靈風吹夕靄高樹  
隱參差修篁響細碎坐傍焦公祠何異巖子瀨諸君倘與遊  
扁舟可同載

冬日客白沙李晴川漁川昆仲招同陶鏡堂吳非蕭徐  
荔村賓宗集書齋小飲醉後步月分韻

冬齋集吟朋妙論恣情特而我羈旅懷磊落興何極主人好  
弟昆愛友鮮難色剪蔬充文糧沽酒助吟力維時天宇寒高

風甚嚴慄鱸寬活火然絮薄威寒逼賴此杯不空百川堪一  
吸舉頭圓月輪照人孤光寂乘醉出柴荆萬籟已潛息母辭  
小步艱路悄街南北譙樓更正深沙雁語偏急樹杪最宜看  
橋頭忘久立一笑夜歸來鐘聲出蓮域

### 哭父

吾生老父沒未得覩嚴容義雁無行次慈烏失所從天愁三  
月雨鬼哭一聲鐘荒塚青山下唯餘風滿松

### 省家慈晤二寡姊話舊感賦

慈母身多弱終年疾未瘳晨昏愁易老兒女淚難收徒費三  
遷教空餘兩鬢秋不才虛奉養賴爾慰親憂

### 江邨訪呂涼州

茅構臨江屋尋君野興寬春風窗四面幽鳥竹千竿山好如

畱客人間似去官殷勤憐稚子茗椀助清歡

秋郊野步

出郭意何極郊原緩步通雲從天際薄秋向寺門空蛩語野塘水鴉棲老樹風那能盡游興斜日酒旗紅

馬湘蘭墓和徐荔村韻

一諾千金女青樓名獨存雨花歸妙境風月老荒村九畹畱詩草孤碑倚墓門王生今已沒誰更爲招魂

對鏡

手把青銅帶曉看忽驚顚顚兩屏顏鬚眉似我只如此老大嗟君亦等閒未必肺肝能盡察也知形影定相關但憐骨相寒如水不許封侯許住山

渡江省家慈畱別漢秋

小別無端動客衷白雲深處去匆匆因思老母辭良友欲渡  
長江趁好風水鳥時迎春樹外家山遙指夕陽中輸他蘄運  
能親養愧我年來願未同

喜晴

乍看青天霽色新模糊雙眼忽精神雨收亦似痊沈病日出  
渾如見故人巢鳥頓舒難解困庭花爭放可憐春安排硯筆  
當窗牖細寫烏絲字字勻

梵音

住通州東門古音淨室晚年  
學道花山乾隆乙酉年沒

畱別

一一橫擔任所之秋風秋雨定行期去時莫定來時約山水  
畱人未可知

明中

字大恒號莢虛浙江石門人七歲投楞嚴寺爲僧  
嘗侍憲皇帝講禪學雍正乙卯放還久住



淮海英靈集

卷一

揚州晚年住杭州淨慈寺乾隆乙酉上南巡  
賜紫又賜詩云山光水色一合相暮鼓晨鐘二六  
時試問闍黎消蓋飯孰爲本分孰爲詩戊子春病沒錢  
塘梁山舟太史同書刊其詩三卷爲茨虛大師遺集

宿萬峯精舍

我身如孤雲去住在空谷偶來萬峯頭意倦便一宿水涼山  
影沈樹暝人烟簇夜靜冷吟蟲秋聲散叢竹愛此風味清得  
句重燒燭

送陸南香之廣陵

得得來東湖秋晴愜幽抱西風不作寒勝事縱探討珠臺繪  
烟林詩壇問諸老況復籬花黃流連托同好先生忽言別重  
尋竹西道山堂記曾遊石磴冷荒草遙指萬松閒一榻爲君  
掃

雨霽同葭林竹田過桐花吟舍

山寺開晴色閒行意獨幽疎桐猶滴雨殘照最宜秋小酌人  
初醉清吟我亦閒西風涼入夜暝坐看螢流

晚秋舒雲亭明府招集弄珠樓

尋幽無事策枯藤郭外高樓試共登樹遠殘陽看歷歷  
秋水漾層層詩參摩詰清誰敵畫到雲林瘦未能月黑扁舟  
歸亦好蘆根幾處颺魚燈

廣陵重遊馬嶰谷行菴

香茅一把屋三椽彈指聲中憶舊緣隔院疎林猶著雨到門  
修竹欲生烟秋光却趁重來衲詩案仍參未了禪際此蕭辰  
莫孤負不妨遲上渡江船

秋曉過燕子磯

露重蒹葭月落遲風微波靜放舟時篙師報道前山好六扇

蓬窗盡入詩

江聲斷處曉烟平  
宿鳥雙飛拍水輕  
燕子磯邊黃葉亂  
我來恰恰喜秋晴

寺寺禪扃閉向山  
赤闌干外白雲閒  
西風忽地船頭落  
一杙鐘聲渡水灣

一峯相送數峯迎  
眼界空來分外明  
遙指烟波有無際  
秋陰低壓石頭城

晚渡揚子江

揚帆却趁晚風侵  
歸渡尤憐秋景深  
紅樹幾堆然自脚  
烏鴉千點落江心  
烟昏鐵甕城疑遠  
波撼金山寺欲沈  
到岸船頭一同望  
塔燈明滅在空林

獨登紅橋四首

清遊攜得杖頭錢  
自向紅橋自買船  
禊事直教秋作主  
筭無麗句鬪春妍

礮車雲淨午風清  
水蓼花繁繞岸明  
撐到柳絲鄉外好  
菰蘆半折弄秋聲

梅檀香塔白于雲  
橋跨蓮花世界分  
無數樓臺金碧動  
欲呼大小李將軍

行盡青青松萬株  
莓苔淨處便跣趺  
風流歐九從誰問  
堂外平山色未殊

重過如皋范思堂招集虛白齋

瓢笠翛然雲水寬  
重尋遊跡憶荒寒  
木樨香散人初到  
桐葉陰疎秋未殘  
脫手新詩傳口易  
交情舊雨許心難  
十年彈指渾疑夢  
世事何須白眼觀

將還西湖同人作秋風黃葉歌贈行率賦畱別

讀罷秋風黃葉歌離情歸思更如何擬從白社參詩住無那  
青山入夢多九日霜花憐去客一船江月盪寒波故人他日  
親相問應聽清鐘起薜蘿

阻凍清江觀寄舟畫蘭有感用壁閒楊孝夫韻

一花兼一葉想見故人心淮北空畱跡江南負賞音  
騷秋月落寂寞谷雲深讀罷雪燈下香風寒入林

題春江烟靄圖

天宇清明日正遲東風蘊藉颺游絲春痕上樹綠無次  
曉雨著花紅欲移垂釣石溫頻待月煮茶聲細獨尋詩  
上林烟景渾如繡莫漫畱五畝池

壬午十一月六日平山主人招同諸公集平遠樓寫望

我來歲云暮尋勝興頗餘三日兩挈舟游事乃徐徐延綠水  
廊靜到處烟林疎平鋪小畧約一帶青絲笳霜鐘出渚口導  
我經窮廬風寒萬松杪大好雲歸初隔江十八峯隱隱搖窗  
虛斜陽抹平遠衆壑淡有無觀妙殊有得此景畫不如量茶  
同謙老拈韻追歐蘇流連不忍去燈火明村墟

復

字夢因別號雪廬浙江海寧人張氏子能詩兼善  
顯雲林山水主揚州建隆寺有雪廬詩草四卷鈴山  
蔣太史士  
銓序之

登金山

一葉乘風破浪開登山更上妙高臺亂雲時復生虛壁疑有  
蒼龍聽法來

秋夜聞雨

暗蟲繞壁怨殘更燈影幢幢半不明秋雨自涼人自臥蕭蕭

一夜打窗聲

送牛二亭處士之泰安同蔣壽客金棕亭閔鹿亭張堯  
峯

期君攄別緒雨過途猶溼野蔬供晚餐高詠和清磬天意亦  
憐人夕霽明花徑

齊魯多佳山空作夢遊到今君適東魯春風爲前導安得拂  
袖行泰岱同高蹈

芳樹盡著花綠莎漸映階君去淮水北素心誰與偕惟有清  
霄月皎皎照我懷

如震

字慧安號禹門高郵人著桐花館集四卷

京口曉發

昨來如孤雲此別似飛鷺殘雪潤州山歸人廣陵渡多謝管

鮑交今非磐石固且寘伐木詩去作閒居賦

贈小顛

若箇聲華好顛如湖隱同

齊顛僧號湖隱

名傳半天下身老萬峯中

鬢爲謀詩白顏因得酒紅柴門相送處新月破籬東

寓齋書事

已厭蕭條境翻思去未能蟲聲荒砌月僧語破樓燈得句畱  
何必懷人畫亦曾客亭橋上粉剝落幾多層

送胡漱泉之蘇州

洞庭霜樹橘虎阜酒家旗憶我曾遊處而今隔幾時聽鐘山  
寺遠待月水樓遲若到寒泉館殷勤爲寄詩

贈郭來澄

時年百二十三歲

仙翁高臥樂清虛百二春秋尚有餘曾共白猿論劒術還從



黃石授丹書谿邊藥採雲深處洞口琴張月上初我亦乘閒  
時過訪碧沙瑤草到山居

虎邱後山

虎邱山後蕭條地楊柳蒹葭共一川日暮雨來入不到鷺鷥  
飛上釣魚船

超

際字衍燈通州人有詩集又有烟波閣江梅詩一卷

馬鞍山過寒巖大師

攜筇獨入翠微閒老樹青山媿此顏倚檻靜看花落去聽泉  
常趁月明還鶴歸峯頂松濤寂磬出孤雲石洞閒欲訪遠公  
成夜宿寂寥清夢繞禪關

性

仁

字慈恒海寧陳相國之族孫也爲夢因弟子主建隆寺

松亭葯根兩上人小集桐柏軒用孟襄陽遊景空寺韻

犬吠秋陰夕細聽人扣關雨驅殘暑去秋放小庭閒詩思碧  
梧外客懷紅蓼閒荒厨有烟火煮茗話空山

### 建隆寺

綠楊城北樹千章寂歷深藏古上方星斗尚遺臺畔石竹梧  
新構水邊房詩題蘚壁僧同瘦榻傍蓮池夢亦香幾口句畱  
秋滿地蕭蕭落葉下西廊

### 過桃花巷

隔林鳥語正綿蠻落盡桃花客到關楊柳濃邊移畫舫樓臺  
闕處見青山漏聽蓮葉琴初罷茶熟松風鶴未還來向石頭  
尋畫本豈知身在畫圖閒

菴僧石莊善丹書  
自號石頭和尚

